



TENDERSKA DOKUMENTACIJA

POZIV ZA DOSTAVLJANJE KONAČNE PONUDE U PREGOVARAČKOM POSTUPKU BEZ OBJAVE OBAVJEŠTENJA O NABAVCI

**Predmet: Poštanska dostava izbornog materijala na adrese biračima u inostranstvu
za Opće izbore 2022. godine**

Vrsta postupka: Pregovarački postupak bez objave obavještenja o nabavci

Broj tenderske dokumentacije: 07-2-16-3-1041-8/22

Sarajevo, juli 2022. godine

OBRAZAC ZA DOSTAVLJANJE KONAČNE PONUDE ZA

Broj nabavke : 07-2-16-3-1041-1/22
 Centralna izborna komisija Bosne i Hercegovine,
 Sjedište: Danijela Ozme broj 7, Sarajevo

PONUĐAČ: _____

ID broj ponuđača: _____

Adresa ponuđača: _____

Ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje se i podatak da je to predstavnik grupe ponuđača. Podugovarač se ne smatra članom grupe ponuđača u smislu postupka javne nabavke.

KONTAKT OSOBA za predmetnu ponudu

Ime i prezime	
Adresa	
Telefon	
Faks	
E-mail	

IZJAVA PONUĐAČA

Ukoliko ponudu dostavlja grupa ponuđača, Izjavu ponuđača popunjava predstavnik grupe ponuđača.

U postupku javne nabavke, koji ste pokrenuli i koji je objavljen na Portalu javnih nabavki, broj obavještenja o nabavci, dana, dostavljamo ponudu i izjavljujemo sljedeće:

1. U skladu sa sadržajem i zahtjevima tenderske dokumentacije broj:(broj nabavke koji je dao Ugovorni organ), ovom izjavom prihvatamo njene odredbe u cijelosti, bez ikakvih rezervi ili ograničenja.
2. Ovom ponudom odgovaramo zahtjevima iz TD za nabavku _____, u skladu sa uslovima iz TD, kriterijima i utvrđenim rokovima, bez ikakvih rezervi ili ograničenja.
3. Cijena naše ponude je:

Cijena ponude bez PDV	KM
Ponudeni popust	%
Cijena ponude sa uračunatim popustom	KM
PDV na cijenu ponude (sa uračunatim popustom)	KM
Ukupna ponudena cijena (sa uračunatim popustom i PDV)	KM

Uz ponudu dostavljamo i obrazac za cijenu naše ponude, koji je popunjen u skladu sa zahtjevima iz tenderske dokumentacije. U slučaju razlika u cijenama iz ove izjave i obrasca za cijenu ponude, prihvatamo da je relevantna cijena iz obrasca za cijenu ponude.

4. Sjedište Ugovornog organa je ul. Danijela Ozme broj 7., 71000 Sarajevo.

5. Ova ponuda važi _____ (broj dana ili mjeseci se upisuju i brojčano i slovima, a u slučaju da se razlikuju, validan je rok važenja ponude upisan slovima), računajući od isteka roka za prijem ponuda, tj. do [...../...../.....] (datum).

6. Ispunjavamo sve kvalifikacijske uslove koji su navedeni u TD i ne nalazimo se ni u jednoj situaciji navedenoj u TD zbog koje bi bili isključeni iz učešća. Ukoliko naša ponuda bude najuspješnija u ovom postupku javne nabavke, obavezujemo se dostaviti dokaze o kvalificiranosti u roku koji je utvrđen u TD, a što potvrđujemo izjavama u ovoj ponudi.

Ime i prezime osobe koja je ovlaštena da predstavlja ponuđača: [.....]

Potpis ovlaštene osobe: [.....]

Mjesto i datum: [.....]

Pečat preduzeća:

Uz ponudu je dostavljena slijedeća dokumentacija:

[Popis dostavljenih dokumenata, izjava i obrazaca sa nazivima istih]

OBRAZAC ZA CIJENU KONAČNE PONUDE

Strana ____ od ____

Naziv dobavljača: _____

Ponuda br. _____

R. br.	Opis pošiljke	Broj pošiljki do 100 grama	Jedinična cijena	Ukupna cijena
1.	Pošiljke za dostavni region Evrope	71.500		
2.	Pošiljke za dostavni region SAD i Kanada	7.500		
3.	Pošiljke za dostavni region van Evrope (prekookeanske i ostale zemlje)	1.000		
4.	Ukupna cijena			
5.	Popust			
6.	Ukupna cijena ponude sa popustom			
7.	Ukupna cijena ponude sa popustom slovima:			

Potpis i pečat ponuđača _____

Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koje ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.

Datum i mjesto _____

NACRT

Na osnovu člana 32. Zakona o javnim nabavkama Bosne i Hercegovine ("Službeni glasnik BiH" br. 39/14) i Odluke Centralne izborne komisije Bosne i Hercegovine o zaključenju ugovora za nabavku usluga poštanske dostave izbornog materijala (preporučena pošiljka) na adrese biračima u inostranstvu broj: _____/22 od _____, 2022. godine zaključuje se

UGOVOR

o vršenju usluga prijenosa poštanskih pošiljki

između:

1. Centralna izborna komisija Bosne i Hercegovine, sa sjedištem u Sarajevu u ulici Danijela Ozme br. 7, koju zastupa predsjednik dr. Suad Arnautović kao naručioca posla (u daljem tekstu: **Naručilac**), idenetifikacioni broj:4200539410001, JRT broj: 0000030000000145 kod Centralne banke Bosne i Hercegovine i

2. _____ sa sjedištem u _____ u ulici _____ broj _____, kojeg zastupa _____ kao izvršioca posla (u daljem tekstu: **Izvršilac**), JIB _____, matični broj _____ račun broj: _____ kod _____ banke.

Član 1.

(Predmet ugovora)

(1) Predmet ovog ugovora je **izvršenje usluga prijenosa (prijema, otpreme, prevoza, prispjeća i uručenja) pisama-preporučena pošiljka težine do 100 grama na adrese biračima u inostranstvu za Opće izbore 2022. godine** (u daljem tekstu: usluga prijenosa pošiljki), prema sadržaju ponude sa kojom je Izvršilac učestvovao u provedenom postupku javne nabavke i u skladu sa narednim odredbama ovog ugovora, vrši u skladu sa narudžbom Naručioca na adrese označene na pismima prema specifikaciji usluga iz člana 11. ovog ugovora.

(2) Naručilac zadržava pravo potpune ili djelimične realizacije nabavke po tenderskoj dokumentaciji usluga prijenosa, a u skladu sa Zakonom o javnim nabavkama BiH.

Član 2.

(Vrijednost ugovora)

(1) Cijena usluga iz člana 1. ovog ugovora iznosi ukupno _____ KM (slovima: _____) bez uključenog PDV-a. U skladu sa Zakonom o porezu na dodatnu vrijednost predmetne poštanske usluge su oslobođene obračuna i plaćanja PDV-a.

(2) Na osnovu dokumentacije iz ponude Izvršioca sa kojom je učestvovao u javnom nadmetanju, utvrđene su jedinične cijene za nabavku usluga prijenosa pošiljki u specifikaciji iz člana 11. ovog ugovora.

(3) Izvršilac se obavezuje na nepromjenjivost cijena tokom cijelog ugovornog razdoblja iz člana 5. ovog ugovora.

Član 3.
(Izvršenje usluga)

(1) Izvršilac neće sklapati podugovor ni o jednom bitnom dijelu ugovora bez prethodnog odobrenja Naručioca. Naručilac zadržava pravo da ne odobri izbor predloženih podugovarača za bilo koji dio predmetne nabavke u skladu sa Zakonom o javnim nabavkama BiH i tenderskom dokumentacijom za nabavku usluga poštanske dostave izbornog materijala, kao i da kontroliše ukupni obim posla koji Izvršilac namjerava ustupiti podugovaračima. Izvršilac snosi punu odgovornost za realizaciju ugovora.

(2) Naručilac nalaže, a Izvršilac prihvata da u ime i za račun Naručioca izvrši usluge iz člana 1. ovog ugovora, prema definisanim uslovima sadržanim u Pozivu za učešće u pregovaračkom postupku bez objave obavještenja o nabavci za dostavljanje početnih ponuda za pregovaranje.

Član 4.
(Način plaćanja)

(1) Plaćanje po ovom ugovoru će se izvršiti na doznačeni transakcijski račun Izvršioca, i to u roku od 15 dana od dana prijema računa sa kompletnom dokumentacijom od strane Izvršioca posebno za svaki dostavni ciklus, odnosno izvršene usluge dostave pošiljki na adrese u inostranstvo.

(2) U slučaju da Naručilac kasni sa plaćanjem, ali da je kašnjenje rezultat propuštanja preduzimanja radnji za koje je Naručilac odgovoran, Izvršilac će moći naplatiti zakonsku zateznu kamatu.

Član 5.
(Trajanje ugovora)

Ovaj ugovor zaključuje se na određeno vrijeme na period do 31.12.2022. godine, odnosno do realizacije ugovora u skladu sa stvarnim potrebama ugovornog organa.

Član 6.
(Rokovi dostave)

Dostava pošiljki na dostavne adrese u inostranstvu iz člana 1. ovog ugovora će se vršiti sukcesivno prema nalogu i zahtjevima Naručioca, u maksimalnom roku do 15 dana računajući od dana predaje pošiljaka na otpremu Izvršiocu usluge.

Član 7.
(Način preuzimanja pošiljki)

(1) Preuzimanje pošiljki se vrši na način da Naručilac telefonskim ili pismenim putem obavijesti Izvršioca o potrebi slanja, odnosno primanja određenih pošiljki. Izvršilac je dužan osigurati preuzimanje pošiljki u najkraćem mogućem roku i to na lokaciji koju naznači Naručilac i organizovati otpremu iste na naznačenu/traženu destinaciju.

(2) Troškovi preuzimanja pošiljki uračunati su u ugovorenu cijenu usluga prenosa pošiljki.

(3) Obaveza Naručioca u smislu klasifikacije i pripreme pošiljki podrazumijeva čitko i potpuno adresiranje pošiljki-personalizovane pošiljke, sa brojem preporučene pošiljke (R oznaku) i

listom preporučenih pošiljki u skladu sa poštanskim propisima i grupisane prema nazivu odredišne zemlje primaoca. Obaveza Naručioca prilikom predaje poštankih pošiljaka je predati i popunjen obrazac P3 – Prijemna knjiga koja može biti formirana i u elektronskoj formi, ali sa popunjenim podacima za svaku pošiljku: redni broj, prijemni broj tj. broj preporučene pošiljke, naziv primaoca i naziv odredišne zemlje. Prijemni brojevi uneseni u Prijemnu knjigu moraju odgovarati broju naljepljenom/odštampanom na pošiljci i imati redosljed od manjeg ka većem.

Član 8. **(Potvrde o otpremi pošiljki)**

(1) Izvršilac je u obavezi da Naručiocu osigura potvrde o otpremi pošiljki po dostavnim regionima (izvještaji i poštanski zaključci koji se rade po odredišnim zemljama i/ili regionima), a koji se uobičajeno ispostavljaju ili se dostavljaju na zahtjev Naručioca.

(2) Pošiljke koje ne budu isporučene bit će vraćene na adresu pošiljaoca besplatno.

Član 9. **(Osiguranje garancije za deklarirani rok isporuke)**

Izvršilac garantuje deklarirani rok prenosa, a na zahtjev Naručioca može se osigurati izjava o garantovanju roka prenosa ili druga vrsta garancije po izboru i zahtjevu Naručioca.

Član 10. **(Rute za otpremanje pošiljki)**

(1) Prilikom otpreme i razmjene pošiljki u međunarodnom poštanskom saobraćaju Izvršilac je obavezan da primjenjuje međunarodne poštanske akte.

(2) Izvršilac će blagovremeno biti obaviješten os strane Naručioca, putem e-maila o vremenu kada će pošiljke uz policijsku pratnju i prisustvo predstavnika Naručioca biti dostavljene do prijemne pošte Izvršioca radi njihovog preuzimanja od strane Izvršioca i daljnje otpreme pošiljaka biračima u inostranstvo, sa detaljnim pregledom imena birača i njihovim adresama na koje se preporučene pošiljke upućuju.

(3) Uručenje pošiljki primaocima u zemlji odredišta vrši se prema standardima isporuke iz Akta svjetskog poštanskog saveza za svaku zemlju odredišta.

Član 11. **(Vanredne okolnosti)**

(1) Naručilac i Izvršilac se neće smatrati odgovornim za kašnjenje u ispunjavanju obaveza prema ovom ugovoru ako je kašnjenje uslijedilo zbog više sile.

(2) Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom nijedne ugovorne strane, niti se objektivno mogu predvidjeti, a sprječavaju jednu ili obje ugovorne strane u ispunjavanju njihovih obaveza.

(3) U što skorijem roku, nakon djelovanja *više sile*, a ne duže od dva dana, Izvršilac detaljno obavještava Naručioca pismenim putem o djelovanju *više sile*. U slučaju da se utvrdi da Izvršilac nije u mogućnosti da ispunji obaveze prema ovom ugovoru, Naručilac ima, i može koristiti, pravo na raskid ovog ugovora o čemu će pismenim putem obavijestiti Izvršioca u roku ne dužem od tri dana nakon saznanja o djelovanju više sile.

Član 12.
(Specifikacija)

Sastavni dio ovog ugovora je specifikacija usluga za težinu pošiljke do 100 gr sa jediničnim cijenama po regionima i ukupnom cijenom koju je Izvršilac priložio u svojoj Ponudi _____ za usluge prijenosa pošiljki sa kojom je učestvovao u ovom postupku javne nabavke.

Član 13.
(Raskid)

Naručilac ima pravo da raskine ugovor ili bilo koju odredbu ovog ugovora u bilo kom trenutku tako što će o tom poslati obavještenje Izvršiocu. U slučaju raskida ugovora, Izvršilac može naplatiti od Naručioca troškove, u razumnim okvirima, koje je do raskida ugovora imao. Takve troškove će Naručilac platiti samo u slučaju da Izvršilac pruži Naručiocu zadovoljavajuće dokaze.

Član 14.
(Propust i štete)

(1) Naručilac smatra da je Izvršilac napravio propust u odnosu na ovaj ugovor, ukoliko Izvršilac propusti, iz razloga koji mu se mogu pripisati, ili odbije, da:

- a) ispuni bilo koju obavezu ili sve obaveze prema ovom ugovoru;
- b) ispoštuje bilo koje ili sve rokove i uslove predviđene ovim ugovorom; ili
- c) ispuni bilo koju ili sve obaveze utvrđene ovim ugovorom u vremenskom roku predviđenom članom 6. ovog ugovora.

(2) U slučaju ako Izvršilac napravi ovakav propust, Naručilac može, putem dostave pisane obavijesti Izvršiocu, raskinuti ovaj ugovor u cjelosti ili jedan dio ili dijelove na koje se propust odnosi, na osnovu čega se istog trenutka smatra da je Izvršilac napravio propust.

(3) Kao alternativa u odnosu na stav (2) ovog člana, u slučaju kad Izvršilac napravi propust, Naručilac može prema svom diskrecijskom pravu, odrediti razuman vremenski rok Izvršiocu da otkloni propust i ispuni svoje obaveze. Razuman vremenski rok i novi datum sadržani su u pisanoj formi izmjena i dopuna ovog okvirnog sporazuma, koju su obje ugovorne strane dužne ispoštovati.

(4) Ukoliko utvrđeni razumni vremenski rok rezultira u kasnijim datumima ispunjenja obaveza od datuma određenih članom 6. ovog ugovora, Naručilac će ugovornu kaznu Izvršiocu obračunavati u skladu sa članom 15. ovog ugovora.

(5) Ukoliko Izvršilac ne otkloni propust i ne ispuni obaveze u utvrđenom razumnom vremenskom roku, a usaglašenom u stavu (3) ovog člana, Naručilac može, dostavom pisane obavijesti Izvršiocu, a po isteku utvrđenog razumnog vremenskog roka, odmah raskinuti ovaj ugovor.

(6) Izvršilac je dužan naknaditi štetu Naručiocu nastalu usljed svih gubitaka, naplata, troškova i izdataka, a koju Naručilac može pretrpjeti zbog propusta Izvršioca, uključujući i onu koja nastane kao rezultat angažiranja drugog dobavljača.

Član 15.
(Ugovorna kazna)

(1) U slučaju kašnjenja u pružanju usluga, do kojeg je došlo krivicom Izvršioca iz člana 14. stav (4) ovog ugovora, Izvršilac će platiti ugovornu kaznu u skladu sa Zakonom o obligacionim odnosima u iznosu od 0,1% naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluga utvrđene u članu 2. stav (1) ovog ugovora.

(2) Pod kašnjenjem pružanja uslugau smislu stava (1) ovog člana, smatra se:

a) za pošiljke za dostavni region Evrope- za svaki dan kašnjenja do urednog ispunjenja, počev od prvog dana nakon isteka roka iz člana 6. ugovora i

b) za pošiljke za dostavni region SAD i Kanada i za pošiljke za dostavni region van Evrope (prekookeanske i ostale zemlje), za svaki dan kašnjenja do urednog ispunjenja, počev od četvrtog dana nakon isteka roka iz člana 6. ugovora.

(3) Izvršilac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Naručioca.

(4) Naručilac neće naplatiti ugovorenu kaznu ukoliko je do kašnjenja došlo usljed više sile iz člana 10. ovog ugovora, kada ispunjenje obaveze postane nemoguće zbog vanrednih vanjskih događaja na koje Izvršilac nije mogao uticati niti ih predvidjeti.

Član 16.
(Bankovna garancija)

Ponudač je obavezan dostaviti u roku od 10 dana od dana zaključivanja ugovora, garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti, rok izvršenja ugovornih obaveza plus 30 dana nakon datuma isporuke posljednjeg dijela ugovorenih poštanskih pošiljki.

Član 17.
(Zaštita prava)

(1) Sve eventualne sporove po ovom ugovoru, ugovorne strane će nastojati riješiti sporazumno, a ukoliko do sporazuma ne dođe, za rješavanje spora nadležan je Sud Bosne i Hercegovine.

(2) Na sva prava i obaveze ugovornih strana koja nisu regulisana ovim ugovorom, primjenjivat će se odredbe zakona o obligacionim odnosima.

Član 18.
(Broj primjeraka ugovora)

Ovaj ugovor sačinjen je u četiri istovjetna primjerka od kojih ugovorne strane zadržavaju po dva primjerka.

Član 19.
(Zaključivanje)

Nakon zaključivanja ovog ugovora njegove odredbe ne mogu se mijenjati.

IZVRŠILAC

Direktor

Broj:
Datum:

NARUČILAC

Centralna izborna komisija BiH
Predsjednik
Dr. Suad Arnautović

Broj:
Datum:

Napomena: Konačan tekst ugovora ugovorne strane će precizirati nakon odabira najpovoljnijeg ponuđača.